



TALETSO YA GO TLHOPHA DITOKOLOLO GO DIRA MO MAKGOTLENG A BOSETŠHABA A DIPUO (NLBs)

Lekgotla la Dipuontsi la Aforikaborwa (PanSALB) le laletsa baagi le ditheo tse di nang le kgatlhego mo dipuong, go tlhopha batho ba ba ka sekasekiwang go ka thapiwa go Makgotla a Bosetšhaba a Puo (NLBs) a PanSALB mo dipuong di le somenngwe tsa semmuso (Sepedi/Sesotho sa Leboa, Sesotho, Setswana, Siswati, Tshivenda, Xitsonga, Afrikaans, English, isiNdebele, isiXhosa, isiZulu), dipuo tsa Sekhoi, Senama le Sesane, le Puo ya Diatla (SASL).

Lekgotla lengwe le lengwe la Bosetšhaba la Puo le diragatsa go ya ka Karolo 8 (8)(b) ya Molao wa PanSALB (Molao wa 59 wa 1995) jaaka o tlabolotswe, le Ditaelo le Melawana ya Makgotla a Bosetšhaba a Puo (Kitsiso ya Boto ya 94, ya 2005).

Ditokololo di tlaa direla nakwana, mo pakeng ya dingwaga di le tlhano go simolola ka letlha le ba thapilweng ka lona. Ga go na tuelo ka gone tiro e e tsewa jaaka tirelo-setšhaba. PanSALB e duelela ditshenyegelo tse di amanang le mosepele le boroko jwa ditokololo tse di thapilweng ka go farologana mo Makgotleng a Bosetšhaba a Puo.

Batho ba ba maleba ba tshwanetse go fitlhelela ditlhokego tse di latelang:

- E nne babuipuo kgotsa badirisi ba puo e e amegang;
- Ba nne le lorato le boineelo jwa, le go nna le seabe mo go tlabololeng le mo tirisong ya puo e e amegang;
- Ba nne le kitso ya boitseanape le e e kgethegileng ya puo e e amegang gammogo le bokgoni mo go nngwe ya dikarolo tse di latelang; Netamiso ya Puo, Tlhamo/Tlhabololo ya Mareo, Dithanodi, Dikwalo le Kgaso, Botšhomolodi le Bofetoledi, gammogo le Puo mo Thutong.

Ditlhopho tse di kwadilweng di tshwanetse go romelwa mme di akaretse dintlha tse di latelang:

- Maemo, maina ka botlalo, diaterese (ya bonno le ya poso) le dintlha tsa ikgolaganyo tsa motlhophiwa, motlhophi le motlatsamotlhophi, le CV ya tsebe di le pedi ya motlhophiwa. CV e tshwanetse go akaretsa maina a motlhophiwa ka botlalo, nomoro ya lokwaloitshupo le bong, aterese ya ikgolaganyo, leina la porofense, dinomoro tsa ikgolaganyo, nomoro ya fekese le aterese ya emaile (fa e le teng), le tlhaloso ya maitemogelo, kitso le bokgoni.
- Dikhophi tse di netefaditsweng tsa lokwaloitshupo, makwalo a borutegi/thuto a motlhophiwa
- Tshedimose tso nngwe le nngwe e e tshegetsang, go akaretsa maina le dintlha tsa ikgolaganyo bobotlana tsa batho ba babedi (2) ba ba ka netefatsang bokgoni jwa motlhophiwa jwa tiro.
- Diforomo tse di tladitsweng le go saeniwa sentle ke motlhophi, motlatsamotlhophi le motlhophiwa.

Ga go na tlhopho e e tla tsewang tsia fa tse di umakilweng fa godimo di sa akarediwa.

Go bona dintlha tse dingwe mabapi le tsamaiso le ditlhokego tsweetswee etela webosaete ya PanSALB go www.pansalb.org kgotsa ikgolaganye le:

Mme S.A. Netshiheni
Mogala: (012) 341 9638
Fekese: 012) 341 5938
Emaile: angie@pansalb.org

Ditlhopho di tshwanetswe go romelwa go:

Mokhuduthamagaphethisi (Chief Executive Officer)
Go: Molaodimogolo wa Makgotla a Bosetšhaba a Puo
Lekgotla la Dipuontsi la Aforikaborwa

Ka poso:
Private Bag X08
Arcadia
0007

Ka letsogo:
5th Floor, Provisus Building
523 Stanza Bopape Street
Arcadia
0083

Letlhatswalelo: 28 Phatwe 2017

Ela tlhoko: ditlhopho tse di rometsweng ka fekese kgotsa emaile ga di kitla di amogelwa.